

# Save ol Raet mo Risponsibiliti blong Yu: long saed blong seks mo konsent



Yumi evriwan i gat ol seksuel raet mo risponsibiliti mo yumi wantem ol rilesensip we oli sef, rispekful mo helti. Yumi evriwan i gat raet blong disaedem wataem, long wea, long wanem situesen mo wetem hu yumi wantem gat seks wetem. Sapos yu ting se yu redi blong statem wan seksuel rilesensip wetem wan man o woman, hemi impoten blong yu save ol loa long Ostrelia we i lukluk long seks mo konsent.

## SAMARI

- Hemi go agensem loa blong mekem eni fasin blong seks sapos i nogat konsent.
- Hemi impoten blong evriwan we i involv long eni fasin blong seks oli mas givim stret konsent blong olgeta bifo oli mekem.
- Seksuel asolt hemi wan series kraem. Sapos yu bin fesem seksuel asolt, yu gat raet blong kasem help. Yu save kolek polis long namba ia 000 o toktok long wan kaonsela long 1800 RESPECT long namba ia 1800 737732.

## Wanem ia ol fasin blong seks?

Anda long loa, 'seks' hemi minim eni kaen fasin blong seks mo taj blong seks inkludum kis, tajem yu wan, mo orol seks (likim). Bifo yu mekem eni fasin blong seks, evriwan we i involv long hem i mas givim stret konsent blong hem we i minim se hemi talemaot o mekem saen se hemi agri. Hemi no gud inaf blong talem nomo se oli bin givim konsent from we oli no bin talem no, o oli no bin traem blong stopem.


## Wanem ia konsent?

Blong givim konsent i minim se yu agri. Konsent long seks hemi taem wan man o woman hemi agri blong tekpat long eni aktiviti blong seks, mo hemi kasem **stret ej blong givim konsent** folem loa, mo hemi **nogat sik long maen**.

Blong askem konsent blong naraman, bae hemi simpol nomo, olsem blong askem, "Yu wantem gat seks?" Narafala man ia i save ansa wetem "yes" o "no". Yu mo patna blong yu i mas agri blong gat seks - evritaem - blong meksua se hemi samting we yutufala evriwan i wantem, nomata se yufala stap bin stap tugeta blong longtaem finis.

Yu o patna blong yu i no save givim konsent sapos yuno stap long stret tingting blong mekem disisen. Sapos wan man o woman hemi slip i hafded, o hemi no save toktok, o hemi no save tingting gud from hemi drink alkol o hemi tekem drag, bae hemi no save givim konsent. Sapos patna blong yu i fosem yu blong gat seks, maet hemi wan saen se rilesensip ia hemi no helti mo hemi no sef. Blong fosem wan man blong gat seks hemi agensem loa mo man i save go long prisen from. Lukim pepa ia [Save ol Raet mo Risponsibiliti blong Yu: Long Saed Blong Domestik mo Famli Vaelens](#) blong save moa abaot ol helti rilesensip, seksuel vaelens mo loa.

Wan man o woman we hemi gat wan kognitif disabiliti i minim se hemi gat wan medikol kondisen, eksampol se hemi kasem damej long bren o sik demensa o disabiliti we i afektem hem blong i no save tingting gud, mekem gud disisen o tingbaot samting. Long mos long ol stet blong Ostrelia, ol pipol wetem kognitif disabiliti oli gat ol semak raet blong gat seks wetem konsent olsem we ol narafala pipol i gat. Be hemi save moa had blong wan man o woman we i gat kognitif disabiliti blong oli givim konsent, olsem sapos hemi faenem i had blong toktok o hemi no andastanem se hemi save talem no long seks. Yu no save gat seks wetem eni man o woman we hemi gat wan kognitif disabiliti sapos hemi no save givim konsent.



### Hemi go agensem loa blong mekem eni fasin blong seks sapos i nogat konsent!



Long Ostrelia, hemi agensem loa blong mekem eni fasin blong seks wetem narafala pesen sapos oli no givim o oli no save givim konsent. Hemia oli kolek seksuel asolt mo hemi wan kraem.



Taem yu seremaot ol foto blong man we hemi malmal be man ia i no bin letem yu blong serem, hemia tu i go agensem loa mo oli save ripotem long polis. Yu save faenemaot moa long [websaet blong eSafety Commissioner](#).



Yu mas mekem sua se patna blong yu hemi ova long **legol ej blong givim konsent**. Folem loa blong Ostrelia, ol pikinini oli no save givim konsent. Hemi minim se hemi wan kraem blong gat seks wetem wan pesen andanit long ej blong givim konsent.


## Wanem nao legol ej blong givim konsent?

Taem wan bigman hemi mekem seks wetem wan pesen we hemi andanit long legol ej blong givim konsent, hemia hemi wan kraem long saed blong jael seksuel abyus. Legol ej blong givim konsent hemi 16 yia

long plante stet mo teritri blong Ostrelia, mo 17 yia long Tasmania mo Saot Ostrelia

Yu mas mekem sua se patna blong yu hemi kasem legol ej blong givim konsent. Samtaem hemi had blong save ej blong man taem yu luk hem. Hemi moa gud blong askem hem sapos yu no sua. Askem pruf blong ej blong hem.

## Ej blong konsent folem wanwan stet loa



## Wanem bae i hapen sapos wan man i brekem ol loa ia?

Sapos oli faenemaot wan man o woman we i brekem loa long saed blong seks mo konsent, maet oli konviktem hem long wan kriminol ofens. Ol kriminol ofens i save lid i go long ol panis olsem pem faen o go long prisen, mo i save mekem i had blong yu stap long Ostrelia. Man we oli faenemaot se i gilty long seks wetem wan pikinini, bae oli save ademap nem blong hem long Child Protection Offender Register.

Seksuel asolt hemi wan kraem we oli save ripotem long polis mo oli save tekem man i go long kot from folem loa, nomata long ples we kraem hemi bin tekples - long wan sosel iven, long haos o long wok.



**000 Wea blong kasem help o toktok wetem wan pesen we i save help**

Sapos yu bin fesem seksuel asolt mo yu wantem mekem wan komplek, yu sud ripotem long polis hariap. Sapos yu no stap sef o hemi wan emejensi, kolem 000. Yu save kasem sapot long wan seksuel asolt sapot sevis, olsem 1800RESPECT long namba ia 1800 737 732.

## Eniwan long PALM skim i save helpem mi?

Hemi had blong lanem blong liv long wan narafala kantri be i gat sapot mo ol risos we i stap blong helpem yu. Sapos yu gat eni kwestin taem yu stap ajastem yu long laef long Ostrelia, yu save askem emploia blong wok blong yu. Sapos oli no save ansarem, oli save talem long yu hu blong toktok wetem, inkludum ol narafala PALM skim sapot olsem:



**Kantri lieson ofisa ("CLO") o labour attachés**

Yu save faenem ol kontak ditel blong CLO long websaet blong PALM (<https://www.palmscheme.gov.au/contact>).













**PALM sapot sevis laen long 1800 51 51 31, o imelem ([palm@dewr.gov.au](mailto:palm@dewr.gov.au))**

Plis tekem not se oli stap monitarem sapot sevis laen ia mo imel stat long 8:30am-6:30pm (AEST) - oli save tekem ol kol afta long taem ia sapos hemi wan emejensi nomo.

# Hao nao mi save kasem moa infomesen o profesional help we hemi konfidensel?

Sapos yu o wan narawan we yu save i wantem save moa infomesen abaot seks, konsent, seksuel asolt mo ol sevis we i save sapotem helt mo welbeing blong yu taem yu stap long Ostrelia, yu save kontakem olgeta riferel sapot sevis daon ia. Ol oganaesesen ia oli save helpem yu o poentem yu i go long stret ples blong faenem wan sevis we hemi sutum nid blong yu.

KI RIFEREL MO SAPOT SEVIS LONG OSTRELIA		
SEVIS	HEMI MEKEM WANEM?	KONTAK INFOMESEN
<b>Ol emejensi sevis</b>	Tripol siro (000) hemi men emejensi sevis namba long Ostrelia. Yu sud <b>kolem 000 sapos yu nidim help hariap</b> long saed blong polis, faea, o ambulens.	 Tel: 000 raon long Ostrelia, long enitaem nomo (24/7)
<b>Lokol polis o ambulens sevis</b>	Sapos hemi no ejen, bae yu faenem namba blong <b>lokol polis, faea o ambulens sevis</b> .	 Blong faenem lokol polis stesen blong yu sej long 'Find my local police station in [raetem nem blong eria blong yu]'.
<b>Health Direct</b>	Sapos yu wantem moa infomesen long saed blong seks, konsent, seksuel asolt (olsem <b>hao blong faenemaot mo aksesem ol helt, kaonseling mo legol sevis</b> ), go long Health Direct. Yu save yusum 'service finder' blong olgeta blong kasem help we hemi klosap moa long yu.	 Tel: 1800 022 222 raon long Ostrelia, long enitaem nomo (24/7)  Web: <a href="https://www.healthdirect.gov.au/sexual-assault-and-rape">https://www.healthdirect.gov.au/sexual-assault-and-rape</a>
<b>1800RESPECT</b>	Sapos yu nid blong <b>toktok wetem wan profesional kaonsela</b> long saed blong seks, seksuel asolt o domestik vaelens, oganaesesn ia hemi givim wan fri konfidensel sapot laen. Yu save go long websaet blong olgeta blong <b>faenem ol sevis</b> blong helpem yu mo kasem <b>infomesen</b> abaot ol helti rilesensip.	 Tel: 1800 737 732 raon long Ostrelia, long enitaem nomo (24/7)  Web: <a href="https://www.1800respect.org.au/">https://www.1800respect.org.au/</a>

KI RIFEREL MO SAPOT SEVIS LONG OSTRELIA		
SEVIS	HEMI MEKEM WANEM?	KONTAK INFOMESEN
Reach Out	Sapos yu wantem moa <b>infomesen</b> Sapos yu wantem moa infomesen abaot sef seks, konsent mo ol denja blong serem ol sikret foto, oganaesesen ia hemi gat ol infomesen, wan peer-support program mo ol riferel infomesen blong helpem ol yangfala.	 Onlaen infomesen mo peer support raon long Ostrelia, long enitaem nomo (24/7) Web: <a href="https://au.reachout.com/relationships">https://au.reachout.com/relationships</a>
Ol loa long saed blong ej blong konsent long Ostrelia	Sapos yu wantem save moa abaot ol <b>loa blong ej blong konsent</b> long Ostrelia, dokumen ia hemi givim moa infomesen mo ol link blong ol loa blong wanwan stet mo teritri.	 Dokumen: Go long websaet: <a href="https://aifs.gov.au/resources/resource-sheets/age-consent-laws-australia#">https://aifs.gov.au/resources/resource-sheets/age-consent-laws-australia#</a>
eSafety Komisona	eSafety hemi stap helpem ol man Ostrelia blong priventem mo manejem eni harem nogud we oli kasem tru long series onlaen abusus o ol samting (olsem pikja o video) we hemi brekem loa o hemi tabu. Go long websaet blong olgeta blong faenemaot hao blong ripotem eni abusus long saed blong foto, mo hao blong karemaot ol samting ia mo ripotem long polis.	 Go long websaet: <a href="https://www.esafety.gov.au/young-people/consent-sharing-photos-videos">https://www.esafety.gov.au/young-people/consent-sharing-photos-videos</a>   Infomesen pepa: Hao blong ripotem: <a href="https://www.esafety.gov.au/report">https://www.esafety.gov.au/report</a>

PALM skim inkludum ol staf, volontia mo patna blong olgeta, oli bin tekem kea taem oli mekem rere ol infomesen ia, be oli no save tekem responsibiliti sapos i gat eni mistek, o eni samting oli no inkludum o i rong. Mo tu oli no tekem responsibiliti sapos eni man we i yusum infomesen ia hemi lusum eni samting o i kasem wan problem. Oli bin mekem rere ol infomesen long pepa ia blong givim jenerol infomesen nomo. Pepes blong hem hemi no blong givim legol o narafala profesonel advaes. PALM skim mo ol patna blong hem i no save tekem responsibiliti sapos i gat eni samting i hapen taem man i yusum eni infomesen long pepa ia.

